

पन्सकी टिवु यिकी ड्रियावा दी थेपकी कोर्ला

दी ति जम्बुलिङकी छो ज्यीला फेलुप थल्माकी ख्रीष्टियानतिवाला पन्सकी टिवु यिकी ड्रियावा यिन। दी यिकीकी खक्छयेवु तेन्दोक ति येन्देन मेटेड्बु लोपुप गेकेनतिवी क्यावु लाका ताड तिवी लापुप येन्देन नेसुर थेन्दुप तामडे दुक्टातिवी तेन्दोकला लङ्गुपला यिन।

ख्रीष्टला थोड्गुपतिवा ताड खोकी नङ्गुप येन्देन थोवुतिवी बिन्दुप येन्देन टेड्बुला देसिन ती तेरी कलेतिवा ड्योम थुप्किवी। ती येन्देन मेटेड्बु तेस्पतिवी येन्देन तेस्प पेला ख्रीष्ट येलुड मेफेपी सिनी दप्पो ग्यकिनोक। तीकी थोक्ला पन्सला छासे पप लानोक, तुक क्यानी तीकी तिवी तेन्दोकला लानी दुक सिक्क्या वे। ख्रीष्ट फेपुप फिम गलुप तेन्दोक ति सु साड ना मोडोशी, तमा तेरीकी रङ्गी दिक्पा क्युशी सिस्प कोन्छयोककी नोवा वे।

मुला राड वोतुप लोप्च्येनतिवा

यिकीकी कोर्ला १:१-२

ख्रीष्टियानतिवाला कोन्छयोककी कताड नङ्गुप १:३-२१

गेकेन मेटेड्बुतिवा २:१-२२

ख्रीष्ट फेपुप तिङ्मी तुजे ३:१-१८

पन्सकी छयोक नेमा टसी देलेक

1 येशू ख्रीष्टकी थोक्ला शब्ज्यी कितुप लोमा छये ड सिमोन पन्सकी छयोक नेमा टसी देलेक! दी यिकी ति टेड्बु वोतुप दाक्पी कोन्छयोक ताड दिक्पा ने थर ज्यितुप येशू ख्रीष्ट नेमा ड्रियरा दोके खक्छयेवु तेपा कितुप मीतिवाला टिवु यिनो।

2 कोन्छयोक ताड दाक्पी चोवो येशू ख्रीष्टला ख्यिरा मड मड डो शेनी खो नेमा नङ्गुप कटिन ताड लोदिमु ति ख्यिराडला छासे थोप्शी।

तेपाला मड मड रम्बु डोप कोर्ला

3 ओड छयेवु वोतुप कोन्छयोककी दाक्पला मिजी टेड्बु क्योड्गुपला गोवु ति तेरी नाड्सुड। ती मोलाम ति कोन्छयोककी मोवा ताड च्यड्च्यु सेम्बा नेसुर

थल्माला दाक्पुला कताड नड्गुप यिन सिनी दाक्पी हाक्कोसिमा खोकी दाक्पुला नड्गुप यिन।

4 खो ति मोवा ताड च्यङ्च्यु सेम्बा वोतुप तप्की दाक्पुला छासे चोछयेवु ताड खक्छयेवु ताम्डे थाक्छयेन नड वे। तीकी तेन्दोक ति दाक्पु दुक्टा वोतुप सेम नेसुर वुङ्गुप दी जम्बुलिडकी नोवा मेलोवा नेसुर थनीं कोन्छयोक दोके टेङ्बु वोतुप मिजी क्योङ्गुपला यिन।

5 तुक क्यानी ख्यिराड खोला तेपा क्यासिमा अछयोता सेक मी यम्बाला ख्यिरा किताड नालु ति ल्यामु वुड गोकिवी, किताड नालु ल्यामु वासिमा ख्यिराडला मड रिक्पा थोप गोकिवी,

6 रिक्पा थोप्सिमा डेकला दे गोकिवी, डेकला देसिमा हम क्या दे गोकिवी, हम क्या देसिमा ख्यिराड खोरो सेमगी दिड नेज्युनी कोन्छयोककी सुडला युक गोकिवी,

7 कोन्छयोककी सुडला युसिमा तेपा कितुप अच्युतुपतिवाला च्यम्बा कि गोकिवी, तेपा कितुप अच्युतुपतिवाला च्यम्बा क्यासिमा ड्यिङ्ज्ये की।

8 च्यिलासिसिन ख्यिरा मिजीला ती ताम्डेतिवा ग्यक्चे वोसुड सिसिन ख्यिराड ति दाक्पी चोवो येशू ख्रीष्टकी येन्देन ड्येनी लाका बडी कितुप ताड छासे डेलु गोर थुक्कितो।

9 यिने ती ताम्डेतिवा ख्यिरा मिजीला मेसुड सिसिन थाक्किरेड्बोला वोतुप च्यालक मोथोङ्गुप ताड मिक् शर्वा दोके गल्नी गोमाला क्यावु दिक्पा ने थस्स ताम्डेतिवा साड टोक ज्येकिवी।

10 तुक क्यानी अच्युनुपतिवा, ख्यिराडला कोन्छयोककी कताड्नी पेन नड्गुप लाका ति मड तेन्तेन कितुपला डार छयेवु की। तुक क्यासिन ख्यिराडला नाम्साड नर्तुक माग्यकिवी।

11 तमा दिक्पा ने थर ज्यितुप दाक्पी चोवो येशू ख्रीष्टकी ख्यिराडला नाम्साड ना मोडोवु खोकी ग्येल्खापला छासे ताड्देन ताड मुला शुक ज्यिकिवी।

12 दी ताम्डे ति ख्यिराडला छया वे, तमा ख्यिराड तेपा रम्बु क्यानी देकिवी, यिन्सिनाड ड ख्यिराडला नरी टेन ज्यितुपला दी ताम्डे ति सिरिन।

13 ड दी जम्बुलिडला लुता सेक ख्यिराडला दी ताम्डे ति टेन ज्यितुप ताड च्याड्से दे ज्यितुप ति टेके लाका यिन सिस्स ति डला नोवा वे।

14 च्यिलासिसिन ड दी जम्बुलिडला देतुप तुजे अला मे सिस्प ति दाक्पी चोवो येशू ख्रीष्टकी डला हाक्को च्यिन वे।

15 ड शिसिमा साड ख्यिरा दी ताम्डे ति नाम्साड टोक मेज्येशी सिनी ड टेमु कितिन।

लुइतेम्बातिवी ख्रीष्टकी मोवाकी कोर्ला नमदर शेतुप

16 इयिरा ख्यिराडला चोवो येशू ख्रीष्ट चोछयेवु वोतुप ताड खो येलुड फेवु कोर्ला लेन ल्यामु ख्याप्टाक क्यावु ति टेडुबु मेतुप जिनोक जोप पे मिन, यिने इयिरा वुतुड के मिककी थोङ्गुप खोकी मोवाकी कोर्ला पड्बु बिन्दुप यिन।

17 पपा कोन्छयोककी चोवो येशूला ठछयेली वोतुप मोवा नेमा “दी डे इयिङ्ग्येवु पुज्युड यिनो, दीकी मुला ड छासे गा लानी वोतो।”* सिनी वोरु ग्यकुप पेला खोकी नङ्गुप ताङ्गेन ताङ्ग मोवा ति येशूला थोप्सुड।

18 ती ताम्डे ति चाङ्मा वोतुप रीला इयिराड खोकी मुला वोतुप पेला देवाच्येन नेमा सुङ्गुप ति इयिरा राड थोवु यिन।

19 तुक क्यानी कोन्छयोककी लुइतेम्बातिवी इयिराडला नमदर शेतुप सुड टेङ्बुला साड इयिराड तेन्तेन वे। ती सुड ति नक्तोमीला दिप्ली च्येतुप दोके यिन। ती दिप्ली ति नक्तोमी गल्नी कर्जाङ माशरुप पे सेक बरुप दोके इयिरा सेमला ज्याक्नी ल्यामु क्यानी हाक्कोवा की।

20 खक्छयेवुला ख्यिरा दी ताम्डे ति हाक्को गोकिवी, कोन्छयोककी सुङ्गुला वोतुप लुइतेम्बाकी ताम्डेतिवाला सी साड दुकै ताड तुकै यिन सिनी खोरो ओङ्ग्येन नेमा यम्बा ताम्डे सि मथुपी।

21 च्यिलासिसिन लुइतेम्बातिवी नमदर शेतुप ति मी नोवा नेमा मिन, कोन्छयोककी थु चाङ्मा नेमा कोन्छयोककी सुङ्गुप ताम्डे ति लुइतेम्बातिवी शेतुप यिन।

2

गेकेन मेटेङ्बुतिवा ना गलुप

1 गोमाला इम्राएलकी मीतिवी पर्ला लुइतेम्बा मेटेङ्बुतिवा वोतुप दोके ख्यिरा पर्ला साड गेकेन मेटेङ्बुतिवा थेन्गितो। तिवी ख्यिराडला छयाकला ना डोप येन्देन

* 1:17 १:१७ मती १७:५; मर्कुस ९:७

मेटेड्बुतिवा लोष्किवी, तमा येशू ति दिक्पा ने थर्वा नड्गुप चोवो मिन सिनी तिवा खोप्राड डमु राड ना डोप लाका कितो।

2 तमा मी बडीकी तिवी लापुप येन्देन मेटेड्बु ड्येन्नी दुक्टा किवी। तीकी जोसालेन्सिन मी यम्बातिवी साड कोन्छयोक्की सुड टेड्बुला मारे तोड्गिगी।

3 तिवा देर्पांला ख्येलनी ख्यिराडला ताम्डे जिनोक जोनी ख्यिरा नेसुर ख्येप्साड लड्गितो, यिने तिवी खुर गोवु छयेर्पाकी कोर्ला गोमाला के तेन्तेन क्या वे। तुक क्यानी तिवा वुतुड के ना डिवी।

4 देवाच्येनकी लेन क्योलुप थुतिवी दिक्पा क्यासिमा कोन्छयोक्की तिवा चुका तीला साड माज्याक्की ड्येलाला क्युसुड। तमा खोकी ठिम क्या नड्गुप तुजे सेक्की थोक्ला तिवाला ड्येलाकी नक्तोमीला टानी ज्याक्सुड।

5 नोआकी डोला कोन्छयोक्की जम्बुलिडला खोरे सुडला मुयुकुप मीतिवा चुका तीला साड माज्याक्की छयर्वा ग्येर्पु ग्यक च्यिनी ना ताड्सुड। यिने खोकी सुड टेड्बु ख्याप्टाक कितुप नोआ ताड तीकी मुला वोतुप यम्बा मिरा दिनला तिराड र्होक्सुड।

6 येलेड खोकी सदोम ताड गमोरा ग्येसातिवाला मे थ्वोनी ना डो च्यिसुड। तमा ती ग्येसाकी मिराप तेरी तोर्नी डो च्यिसुड। तमा खोकी सुडला मुयुकुप मीतिवाला खोकी चुक क्यानी ना तोड्गिनोक सिस्प येन्देन बिन्सुड।

7 यिने ती ग्येसाकी मीतिवी सेम नोजु क्यानी डोछा लड्गुप लाका दुक्टातिवा क्यावु थोड्नी लोतकी सेमला छासे मेलोवा गाल्नोक। तुक क्यानी खोकी खोरे थोड्दाडला टेड्बु वोतुप लोतला ति र्होक्सुड।

8 ती लोत ति मी दुक्टातिवी पर्ला देतुप पेला ड्यिमि टेड तिवी किताड नालु मेलोकपा थोड्सा ताड थोसालेन्सिन कोन्छयोक्की थोड्दाडला टेड्बु वोतुप तीकी सेम ति छासे सेम्दुक लानोक।

9 तुक क्यानी खोकी सुडला युक्पतिवा छेटाडला ख्येलुप पेला र्होकुप ताड खोकी सुडला मुयुकुपतिवाला ठिम कितुप तुजे सेक छयेर्पा बिन्नी टानी ज्योकुप ति कोन्छयोक्कला छ्या वे।

10 खक्खयेवुला शम्डेन कितुप नासाम ताड्नी मेटेड्बु कितुप ताड खोकी ओड्ज्येनला मारे तोड्गुपतिवाला खोकी ठिम क्या नड्गिगी।

तिवा ड राड थिन सिनी काड साड ज्यिवा माक्यानी मेलोवा किवी, तमा मोवा वोतुप ओड्ज्येनतिवाला साड ज्यिवा माक्यानी मारे तोड्गिगी।

11 यिने देवाच्येनकी लेन क्योलुप थुतिवा ति गेकेन मेटेड्बुतिवा सिनाड मड डार छयेवु ताड ओड्ज्येन वोसिनाड कोन्छयोक्की दोड्ला ति मोवा वोतुप ओड्ज्येनतिवाला मारे तोड्गुप ताड क्येन साड मेटेरी।

12 यिने ती गेकेन मेटेड्बुतिवा याड खोरो हाक्माकोवु ताम्डेला मारे तोड्गिगी। तिवा नो मेशेवु सेम्ज्येनतिवा दोके यिन्दुप तप्की खोप्राड नोवाला तिराड युकिवी। तिवा जिम्नी सेतुपकी थोक्ला क्येवु सेम्ज्येन दोके यिन। तुक क्यानी सेम्ज्येनतिवा दोके तिवा ना डिवी।

13 तिवी दुक्टा क्यावु तप्की तिवी छयेर्पा ति खोपे राड खुर गोकिवी। तिवा ड्जियमी गुडला छयाड आराक थुनी देतुप ति गा किवी, तिवा डोछा मेटुप ताड ताड्देन कि मोछयेवु मी यिन। तिवी ख्यिराड मुला राड देनी साप ताड थुड्गुप पेला साड नरी जिनोक जोप तिराड गा किवी।

14 तिवा नरी शम्डेन कितुप नासाम तिराड तोड्गिगी। तिवा चो दिक्पा क्यासिनाड सेम लो मिदिवी, तिवी तेपा रम्बु मेनी सेम नटेकोटे वोतुप मीतिवाला अलम च्योलोम जेवी। तिवी सेम ति देर्पा कितुपला छासे खामु गिवी। तुक क्यानी तिवा मोताप सुकुप गिपातिवा यिन।

15 तिवा लाम थेकाडला युक्कुप क्युर ज्याक्नी लाम मेटेड्बुला गल्नी बओरकी पुज्युड लुड्तेम्बा बालमकी दला शुकुप गल वे। ती बालम ति गोमाला लाका मेटेड्बु क्यानी टड्गा शोम्बुप गा किनोक।*

16 यिने तीकी क्यावु दुक्चे क्येनकी थोक्ला लप्सिर सोसुड। ताम्डे लप मुथुपुप तीकी पुड्गोककी साड मी दोके क्यानी तीकी कितुप लाका मेलोवा ति क्येक्सुड।

17 तिवा छ्यु मेटुप छयी पुड दोके ताड वर्तुककी फुरूप ल्हवुल दोके यिन। तिवी थोक्ला ड्येलाकी नक्तोमी दासा टडिक कया वे।

18 तिवा अम्बारड्शिड कितुप ताड तेन्दोक मेटुप ताम्डे तिराड किवी, तमा मलोक लाका मेलोकपा कितुप क्युर ज्यकुप मीतिवाला साड सेम नेसुर वुड्गुप नासाम मेलोकपाला ख्येल ज्यितुपला लुकिवी।

19 तिवी मीतिवाला दिक्पा ने रड्ज्येन थोप्किवी सिनी थाक्छयेकिवी, यिने खोप्राड ति दिक्पी ओडला राड ख्येल वे। च्यिलासिसिन ख्यिराड चुका मी ति ती ओडला ख्येल वे, ती मी ति तीकी योक्पु यिन।

* 2:15 २:१५ गन्ती २२:४-३५

20 दोजो तिवी दाक्पुला दिक्पा ने थर ज्यितुप चोवो येशू खीष्टला डो शेनी दी जम्बुलिङकी मेटेड्बु वोतुप च्यालक नेसुर थेन्सिमा येलुड गोमी किताड नालुला लोकनी ती दिक्पी ओडला राड डिवी सिसिन तिवा गोमी ति सिनाड ज्युक्ला मड मेलोकपा डिवी।

21 ती तप्की तिवाला बिन्दुप कोन्छयोककी सुड टेड्बु ति तिवी हाक्कोनी साड ती सुडला मुयुकुप सिसियाड, बोर तिवाला कोन्छयोककी थोड्दाडला टेड्बु वोतुप सुडगी कोर्ला हाक्माकोवु राड ल्यामु यिन्दुप्जा।

22 तुक क्यानी तिवी थोक्ला “की तीकी खोरो क्यानी खोरो राड लकिवी। फाक्पाला टुनी बिन्सिन येलुड दक्चिरला राड गड्ङ्गेल चेवी।”* सिस्प पेकी तेन्दोक ति डिक्किवी।

3

चोवो येलुड फेपुप कोर्ला

1 डे ड्यिङ्ज्येवु अच्यनुपतिवा, दी ति डे ख्यिराडला टिवु यिकी ड्यिवा यिनो। दी यिकी ड्यिकरकी नाड्ला माड्शोक ताम्डेतिवा ति ख्यिरा सेमला नासाम टेड्बु तोड ज्यितुप सिनी टोड्गु तेस्पला टि वे।

2 तुक क्यानी तोड्ला लुड्तेम्बा टेड्बुतिवी नमदर शेतुप ताम्डे ताड लोमा छ्येतिवी ख्यिराडला दिक्पा ने थर ज्यितुप चोवो येशूकी कोर्ला लापुप सुड ति ख्यिरा नरी नासाम ताड्नी टोक माज्येता।

3 तेरी सिनाड गोमाला ख्यिरा दी ताम्डे ति हाक्को गोकिवी। ती ताम्डे ति काड यिन सिसिन जम्बुलिङकी तिड्मी तुजेला खोरो सेमगी नासाम मेलोकपाकी ओडला वोतुप मीतिवी ख्यिराडला मर्च्या क्यानी दुक सिनी टिवी,

4 “खीष्ट फेक्किवी सिनी थाक्छ्येतुप मिन रो? दाक्पी पगावा हड्गावातिवा शिसिमा साड दी जम्बुलिङ ति थल्माला ज्येङ्गुप पेला नेज्युन काड साड माफो वे।”

5 तिवी तुक सिनी सिक्पावु ति कोन्छयोककी सुडगी थल्माला नाम ज्ये नड्गुप यिन, तमा जम्बुलिङ ति छ्यु नेसुर ज्ये नड्गुप यिन,

* 2:22 २:२२ हितोपदेश २६:११

6 तमा ती छ्यु नेसुर राड तोड्ला जम्बुलिडला छ्यर्वा ग्येर्पु ग्यप्नी जम्बुलिड तेरी ना तड्गुप यिन सिनी सिस्प ति तिवाला छ्या वोसिनाड छ्या मेतुप दोके जोवु यिन।

7 दी कोन्छ्योककी सुडगी राड तसाम पेलाकी नाम ताड जम्बुलिड ति मे नाड्ला ना तोड्गुपला र्होकनी ज्याड वे। तमा खोकी सुडला मुयुकुप मीतिवाला ठिम कितुप तुजे सेककी थोक्ला सानी ज्याड वे।

8 यिने डे ड्रियड्ज्येवु अच्युनुपतिवा, दी ताम्डे ति टोक माज्ये। ती ति काड यिन सिसिन चोवोकी थोक्ला ड्रियमा च्यिक ति लो तोड्डा च्यिक चोयी तिराड यिन, तमा लो तोड्डा च्यिक ति ड्रियमा च्यिक चोयी तिराड यिन।*

9 चोवोकी थाक्छ्येन नड्गुप सुड ति फिमु क्या नड्गिगी सिनी ललाइकी सिक्क्यासिनाड खो नाम्साड फिमु मिक्किवी। यिने मी सु साड ना मोडोशी, तेरी मीतिवी सेम ग्युशी सिनी खिरा थोक्ला खो हम क्यानी ज्युवु यिन।

10 यिने चोवोकी तुजे ति कुर्मेन वावु दोके हाक्काकोवा क्यानी गिवी। ती पेला नाम ति वोरु गिर्पो यी तेन्नी ना डिवी, तमा ड्रियमा उला ताड कर्मातिवा मे रापकी तेरी शिनी डिवी। जम्बुलिड ताड जम्बुलिडला वोतुप तेरी शिनी डिवी।

11 दी तेरी च्यालकतिवा ना डिवी सिस्प हाक्कोनी खिरा मिजी ति चुक क्यानी टेड्बु ताड कोन्छ्योककी सुडला युक गोकिगी सिस्प ति नासाम तोड।

12 खिराड कोन्छ्योककी ठिम क्या नड्गुप तुजेला गुनी देन वे, तमा ती तुजे ति डमु राड बुड्शी सिनी नो की। खोकी तुजे छेवु छेर्मु नामतिवा छिक्की ना डिवी, ड्रियमा उला ताड कर्मातिवा साड तेरी मे रापकी शिकिगी।

13 यिने दाक्पु याड खोकी थाक्छ्येन नड्गुप दोके देवाच्येन सम्बा ताड जम्बुलिड सम्बाकी थोक्ला लाम ल्हयी वे। ते कोन्छ्योककी थोड्दाडला टेड्बु वोतुपतिवा तिराड दे थुक्किगी।

14 ती तप्की डे ड्रियड्ज्येवु अच्युनुपतिवा, खिराड ती तुजेला गुनी देतुप तप्की खोकी थोड्दाडला खिराड मड टेड्बु ताड क्येन मेतुप ताड खोकी मुला तम्जी ल्यामु वोतुप मिजी क्योड।

15 कोन्छ्योककी हम क्यानी गुनी देतुप ति दाक्पु दिक्पा ने थस्पला यिन सिनी नासाम तोड। दाक्पी नुप पावलकी साड कोन्छ्योककी नड्गुप रिक्पा नेसुर खिराडला ती ताम्डेकी थोक्ला टिवु यिन।

* 3:8 ३:८ भजन १०:४

16 खोकी तड्गुप यिकीतिवा तेरीकी नाड्ला साड दी ताम्डेकी कोर्ला टिनी वोतो। ती नाड्ला ललाइ ललाइ ताम्डेतिवा हाक्कोवु कले वे, तुक क्यानी यिकी मेशेवुतिवा ताड कोन्छयोक्ला तेपा रम्बु मेतुप मीतिवी दी ताम्डेतिवाला यम्बा छयोकी थेपला वोतुप दोके फिलोक्पा नालोक्पा जोनी खुरुडला राड खोरो ना तोड्गिगी।

17 तुक क्यानी डे ड्झिड्झ्येवु अच्युनुपतिवा, ख्यिराड गोमाला के दी ताम्डे ल्यामु हाक्कोनी च्याड्से देता। मी दुक्टातिवी ताम्डेला येनी मादे, तमा रड्गी हाक्कोवु सुडला रम्बु क्यानी डेकला देता।

18 तमा दाक्पुला दिक्पा ने थर ज्यितुप चोवो येशू ख्रीष्टकी कटिन ताड खोकी रिक्पाला ख्यिराड मड मड फरिन ग्युक। खोला तन्दा ताड नरीकी नरी मोवा बुड्शी। आमिन।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be